

## ТУШУНЧАЛАР

4. Ушбу стандартда фойдаланиладиган тушунчалар:

Капитал қурилиш учун пудрат шартномаси (кейинги ўринларда «Қурилиш пудрати шартномаси») — ушбу шартномага асосланиб пудратчи, буюртмачининг топшириғига кўра қурилиш ишларини бажариш мажбуриятини таваккал қилиб зиммасига оладиган, буюртмачи эса бажарилган ишни қабул қилиб оладиган ва ҳақини тўлайдиган шартномадир. Қурилиш пудрати шартномаси бир-бири билан мустаҳкам боғланган ёки уларни лойиҳалаш ва улардан фойдаланиш шартлари бўйича ўзаро боғлиқ бўлган битта объектни ёки объектлар гуруҳини қуриш мақсадида тузилиши мумкин. Бундан ташқари, қурилиш пудрати шартномаларига объектларни қуриш билан бевосита боғлиқ бўлган хизматларни кўрсатиш ишлари киритилиши мумкин (яъни қурилаётган объектлар раҳбариятининг ва меъморларнинг хизматлари ва ҳ.к.).

Белгиланган нархдаги қурилиш пудрати шартномаси — ушбу шартномага кўра тарафлар қурилиш ишларининг белгиланган нархига (қийматига) ёки ўзгарувчан нарх ҳақида қайд этган ҳолда бажарилган ишлар бирлигининг белгиланган ставкасига розилик билдирадиган шартномадир.

Келишилган нарх бўйича қурилиш пудрати шартномаси — ушбу шартномага кўра қурилиш ишларини бажариш билан бевосита боғлиқ бўлган буюртмачи йўл қўядиган миқдордаги ҳақиқий

харажатлар, шу жумладан шартномада қайд этилган мукофот пули билан бирга пудратчига тўланади.